

Na osnovu člana 20a. Zakona o radu F BiH („Službene novine F BiH“, broj 26/16, 89/18 i 44/22), člana 3. stav (1) i člana 6. Uredbe o postupku prijema u radni odnos u javnom Sektoru na teritoriji Kantona Sarajevo („Službene novine Kantona Sarajevo“ broj 19/21, 10/22 i 28/23), člana 4. Pravilnika o radu KJKP „Park“ d.o.o. Sarajevo, broj P- 1116-6 od 29.03.2023. godine i broj P-1360-1-1 od 12.04.2023. godine, saglasnosti Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, broj: 05-30-9928/23, od 14.04.2023., Odluke broj: P-4374, od 04.9.2023. godine KJKP „Park“ d.o.o. Sarajevo raspisuje

**JAVNI OGLAS  
ZA PRIJEM RADNIKA U RADNI ODNOS NA ODREĐENO VRIJEME U KJKP  
“PARK“ D.O.O. SARAJEVO**

Raspisuje se javni oglas za prijem radnika u radni odnos u KJKP “Park“ d.o.o. Sarajevo sa sjedištem u Sarajevu, ulica Patriotske lige broj 58, 71000 Sarajevo, [www.park.ba](http://www.park.ba)  
Javni oglas se raspisuje za prijem radnika u radni odnos na određeno vrijeme u KJKP “Park“ d.o.o. Sarajevo za slijedeće radno mjesto:

- **Radnik na održavanju javne rasvjete** – 1 (jedan) izvršilac na određeno vrijeme na period od jedne (1) godine na puno radno vrijeme na području Kantona Sarajevo.

**1. Opis poslova:**

- Izvršava poslove i radne zadatke prema radnom nalogu u skladu sa normama, tehničkim normativima i standardima na preventivnom, investicionom i intervetnom održavanju elektroinstalacija javne rasvjete,
- Podnosi izvještaj za izvršene radove,
- Primjenjuje propisane mjere zaštite pri radu na postrojenjima, uređajima i instalacijama javne rasvjete,
- Obavlja i druge poslove i radne zadatke kao i izvršilac na poslovima elektromehaničar JS u RG (VK) u domenu svoje stručne osposobljenosti, kao i druge poslove i radne zadatke po nalogu neposrednog rukovodioca,
- Obavlja poslove električara na postavljanju i održavanju elektro- instalacija,
- Obavlja i druge poslove u okviru svoje struke, po nalogu neposrednog rukovodioca,
- Za svoj rad odgovara neposrednom rukovodiocu grupovodi za održavanje javne rasvjete.

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: [info@park.ba](mailto:info@park.ba);  
[www.park.ba](http://www.park.ba)

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d.  
3386902212020028;  
Turkish Ziraat bank Bosnia d.d.  
Sarajevo 1860001022085047

## **2. Kandidat treba da ispunjava sljedeće uslove:**

### **Opći uslovi koje kandidati moraju ispunjavati:**

- 1) da je stariji od 18 godina;
- 2) da je državljanin Bosne i Hercegovine;
- 3) da je fizički i psihički sposoban za obavljanje poslova radnog mjesta za koje se prijavljuje.

### **Posebni uslovi koje kandidat mora ispunjavati:**

Kandidati koji se prijavljuju na traženu poziciju moraju ispunjavati sljedeće uslove:

1. IV ili III stepen, SSS elektrotehničkog smjera;
2. Elektromehaničar, elektroinstalater, elektrotehničar, elektrotehničar energetike, tehničar mehatronike, monter elektroinstalacija I elektroničar mehaničar;
3. najmanje 6 (šest) mjeseci radnog iskustva u struci.

Mjesto rada Kanton Sarajevo,  
Radno vrijeme 07:00 do 15,30 sati,  
Osnovna plata 1.055,41 KM.

## **3. OBAVEZNA DOKUMENTACIJA KOJU SU KANDIDATI DUŽNI DOSTAVITI:**

Svojeručno potpisana prijava na javni oglas sa kraćom biografijom, kontakt podacima (adresa, broj telefona i e-mail) i tačnom naznakom radnog mjesta na koju se prijavljuje.

Spisak dokumentacije koju kandidat prilaže uz prijavu:

- CV/biografija;
- Izjava kandidata da je saglasan da se njegovi lični podaci koriste i budu dostupni javnosti do okončanja procedure javnog oglasa (u prilogu oglasa predmetna izjava);
- Izvod iz matične knjige rođenih;
- Uvjerenje o državljanstvu;
- Svjedočanstvo o stečenom obrazovanju;
- Potvrda poslodavca o radnom iskustvu kojom se nedvosmisleno dokazuje koje je poslove obavljao i u kojem periodu,
- Uvjerenje o radnom stažu Zavoda za penzijsko invalidsko osiguranje ili Porezne uprave sa tumačenjem šifre iz uvjerenja kako bi se utvrdilo da je kandidat radio sa odgovarajućom spremom na poslovima za koje se traži radni staž.

Ljekarsko uvjerenje dostavlja izabrani kandidat.

## **4. PREDNOST PRI ZAPOŠLJAVANJU POD POSEBNIM USLOVIMA:**

Prednost pri zapošljavanju ostvaruju branioci i članovi njihovih porodica u skladu sa Zakonom o dopunskim pravima boraca – branitelja BiH („Službene novine Kantona Sarajevo“ broj 31/22), Zakonom o pravima demobiliziranih branilaca i članova njihovih porodica („Službene novine Federacije BiH“, broj 54/19, 29/22), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo, broj 37/20, 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima zapošljavanja branilaca i članova njihovih porodica u institucijama u Kantonu Sarajevo, Grada Sarajevo i općinama u Kantonu Sarajevo („Službene novine Kantona Sarajevo, broj 38/20, 28/21). Naprijed navedena lica prednost pri zapošljavanju po Uredbi o jedinstvenim kriterijima i pravilima za zapošljavanje branilaca i članova njihovih porodica u

institucijama u Kantonu Sarajevo, Gradu Sarajevo i općinama u Kantonu Sarajevo ostvaraju ako se nalaze na evidenciji Javne ustanove „Služba za zapošljavanje Kantona Sarajevo“ ili su zaposlena sa nižom stručnom spremom od one koju posjeduju ili su zaposleni na određeno vrijeme.

**Kandidati da bi ostvarili prednost pri zapošljavanju treba da dostave:**

- Potvrda o mjestu prebivališta/boravišta u Kantonu Sarajevo ne starije od datuma objavljivanja ovog javnog oglasa.
- Dokaz da je kandidat na evidenciji nezaposlenih Javne ustanove „Službe za zapošljavanje Kantona Sarajevo,, – Uvjerenje biroa za zapošljavanje ne starije od datuma objavljivanja ovog javnog oglasa.
- Dokaz da je kandidat zaposlen sa nižom stručnom spremom od one koju posjeduje - potvrda poslodavca sa obaveznom naznakom stepena sprema i zanimanja s kojima radnik zasnovao radni odnos kod poslodavca ne starija od datuma objavljivanja javnog oglasa.
- Dokaz da je kandidat u radnom odnosu na određeno vrijeme – potvrda/uvjerenje poslodavca kojom se dokazuje da je radni odnos zasnovan na određeno vrijeme i ovjerena kopija ugovora o radu.
- Izvod iz matične knjige vjenčanih ne stariji od datuma objavljivanja ovog javnog oglasa.
- Dokumentacija kojom se dokazuje status korisnika po Uredbi o jedinstvenim kriterijim i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevu („Službene novine KS“ 37/20, 27/21) prikazana u tabeli:

Redni broj	Pripadnost branilačkoj kategoriji	Naziv dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida / poginulog borca, umrlog i nestalog branioca Rješenje o priznatom pravu na porodičnu invalidninu za suprugu šehida / poginulog, umrlog i nestalog branioca Uvjerenje o učešću u Oružanim snagama šehida/poginulog, umrlog i nestalog branioca	Općinska služba za boračko – invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko – invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno	Općinska služba za boračko –

		novčano primanje dobitniku priznanja	invalidsku zaštitu
4.	Demobilizirani borac	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na : a) invalidninu b) mjesečni novčani dodatak c) uvjerenje o učešću u oružanim sangama	a i b Općinska služba za boračko – invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Suprugama ratnih vojnih invalida	Uvjerenje o statusu supružnika ratnog vojnog invalida Rješenje o priznatom pravu na invalidninu	Općinska služba za boračko – invalidsku zaštitu

- Napomena: Uvjerenja/Potvrde poslodavca o radnom iskustvu i stažu mora da sadrži naziv radnog mjesta, stepen stručne spreme potrebne za navedeno radno mjesto, opis posla i vremenski period obavljanja istog. Uvjerenje o radnom stažu iz Zavoda za penzijsko invalidsko osiguranje ili Porezne uprave mora sadržavati i potvrdu o tumačenju šifre iz uvjerenja kako bi se utvrdilo da je kandidat radio sa odgovarajućom spremom na poslovima za koje se traži radni staž.
- Kandidati su dužni dostaviti originalne dokumente ne starije od tri mjeseca ili ovjerene kopije ne starije od tri mjeseca od datuma izdavanja i ovjere izuzev dokumentacije trajne vrijednosti koja ne može biti starija od tri mjeseca od datuma ovjere ukoliko se dostavljaju kopije dokumenata.
- Dokumentacija na osnovu koje se dokazuje prednost pri zapošljavanju a nema status dokumentacije trajne vrijednosti ne može biti starija od datuma objavljivanja javnog oglasa.
- Nepotpune, neuredne i neblagovremene prijave kao i kopije tražene dokumentacije koje nisu ovjerene neće se uzeti u razmatranje.

## **5. OBAVJEŠTENJE O PREUZIMANJU LISTE PITANJA, PROPISA I LITERATURE IZ OBLASTI IZ KOJE ĆE SE POLAGATI PISMENI I USMENI ISPIT**

Kandidati mogu kod poslodavca KJKP „Park“ d.o.o. Sarajevo na adresi Patriotske lige broj 58, 71000 Sarajevo i na web stranici KJKP „Park“ d.o.o. Sarajevo ([www.park.ba](http://www.park.ba)), preuzeti listu pitanja za pismeni test i listu propisa i literature iz oblasti iz koje će se polagati usmeni i pismeni ispit, na mjestu na kojem se kandidat prijavljuje.

## **6. OBAVJEŠTENJE ZA KANDIDATE**

O datumu, vremenu i mjestu održavanja pismenog i usmenog ispita kandidati koji blagovremeno dostave urednu dokumentaciju biće obavješteni pismeno na adresu ili putem e – mail-a ili telefona koje dostave u prijavi.

Kandidati koji su uredno obavješteni o terminu pologanja pismenog i usmenog testa, a istom ne pristupe, smatrati će se da su odustali od konkursne procedure.

U slučaju da nakon provođenja pismenog i usmenog ispita neki od kandidata budu imali jednak broj bodova, prednost pri zapošljavanju će imati onaj kandidat koji po posebnom zakonu ima prednost pri zapošljavanju.

U slučaju da nakon provođenja pismenog i usmenog ispita neki od kandidata budu imali jednak broj bodova, a ostvaraju prednost pri zapošljavanju ili je uopće ne ostvaruju, prednost će imati kandidat koji je prvi predao prijavu.

Rok za prijavu kandidata je 10 dana od dana objave obavijesti o raspisivanju javnog oglasa u dnevnom listu „Oslobođenje“ dok će puni tekst javnog oglasa biti objavljen na internet stranici Javne ustanove „Služba za zapošljavanje Kantona Sarajevo“ i Web stranici KJKP „Park“ d.o.o. Sarajevo i Registru javnih oglasa o postupku prijema u radni odnos u javnom sektoru na teritoriji Kantona Sarajevo.

Kontakt telefon za dodatna obavještenja 033/560-568.

Prijave sa biografijom, adresom i kontakt telefonom, te traženim dokumentima predaju se u zatvorenoj koverti putem pošte na adresu sjedišta ili direktno na protokol na adresu: KJKP „Park“, d.o.o. Sarajevo, ulica Patriotske lige broj 58.

Na poleđini koverta obavezno upisati ime i prezime, adresu i kontakt telefon.

Na koverti obavezno naznačiti

### **„PRIJAVA NA JAVNI OGLAS ZA RADNO MJESTO RADNIK ZA ODRŽAVANJU JAVNE RASVJETE – NE OTVARATI“**

Kandidati čija je dokumentacija neuredna, nepotpuna i neblagovremena bit će pismenim putem obavješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri (3) dana od dana prijema obavijesti.

Dokumentacija koja se prilaže, ostaje u arhivi KJKP „Park“, d.o.o. Sarajevo, a originalni dokumenti mogu se dobiti natrag na osnovu pisanog zahtjeva kandidata za povrat dokumentacije.

Pripremila: A

Kontrolisala:

DIREKTOR  
KJKP „Park“ d.o.o. Sarajevo

## PRILOG

## IZJAVA

Na osnovu člana 5. Zakona o zaštiti ličnih podataka („Službeni Glasnik BiH“, broj 39/06, 76/11 i 89/11) saglasan /na sam da KJKP „Park“ d.o.o. Sarajevo koristi moje lične podatke (ime i prezime) u svrhu provođenja postupka Javnog oglasa za prijem u radni odnos u KJKP „Park“ d.o.o. Sarajevo, te da isti budu dostupni javnosti do njegovog okončanja.

U \_\_\_\_\_, dana \_\_\_\_ . \_\_\_\_ . \_\_\_\_ . godine

Svojeručni potpis kandidata/kandidatkinje

\_\_\_\_\_

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d.  
3386902212020028;  
Turkish Ziraat bank Bosnia d.d.  
Sarajevo 1860001022085047